



**I**odocus à pueris operam literis dedit, et primis fundamentis feliciter perceptis sese ad Erdfordiensem Academiam cōtulit. In ea magna diligētia philosophiæ & Theologiæ incubuit, & eam sibi eruditionem comparavit, ut uiris doctissimis suo tempore adnumeraretur. Itaque in eo gymnasio publicus Professor constitutus, summa laude docuit, et aliquoties Rectoris officio functus fuit. Hunc Iodocū Erasmus Roterodamus plurimū dilexit, atq; multoties conuenientes de rebus literarijs cum eo cōtulit. Quin etiam Iodocus Luthe-  
ro familiaris extitit, atq; cū ille anno 1521 Vuormatiæ coram Cæsare fidei rationē redderet, ei adfuit,

& frequenter quid fieri oporteret, admonuit. Ita factum ut Iodocus Erdfordiensem Academiam sua industria exornarit, & cunctis ob multas animi uirtutes gratissimus fuerit. Eras. lib. 15, & 17. Epist.